

Bosna i Hercegovina  
Federacija Bosne i Hercegovine  
KANTON SARAJEVO  
SKUPŠTINA KANTONA SARAJEVO

n/r Dr. Mirza Čelik, Predsjedavajući

Our Ref:

Naš znak: 01-AB-0708-1047

Your Ref:

Vaš znak:

Date:

Datum: 25 -03- 2020

Poštovani,

U vezi sa dostavljenim pitanjem zastupnice gđe. Neire Dizdarević i koje glasi, citiramo:

„Da li postoje proračuni buduće cijene gasa za Kanton Sarajevo nakon izgradnje Južne interkonekcije?“ dostavljamo

## ODGOVOR

BH-Gas je u preliminarnoj/studijskoj fazi projekta Južna interkonekcija organizovao izradu dvije studije kojima je cilj bio analiza postojećeg i budućeg tržišta. Tokom 2018. godine je putem evropskih predpristupnih fondova finansirana izrada Cost Benefit Analysis (CBA) kojom je još jednom analizirano tržište i kojom su analizirane razne cjenovne varijante i mogućnosti dopreme gasa do BiH.

Ono što morate znati uvažena zastupnice gđa. Dizdarević vezano za bilo kakav izračun cijene prirodnog gasa u ovom momentu, a za projekat koji se očekuje da bude pušten u pogon 2023./2024. godine teško je sa sigurnošću obraditi/formirati cijene prirodnog gasa koje se baziraju na obračunu cijene nafte i naftnih derivata za 2023. godinu ili 2024. godinu iz proteklih devet mjeseci. Cijene nafte su ekstremno promjenjiva kategorija i na iste utiče mnogo faktora koji nekad nemaju niti veze sa punudom i potražnjom ili imaju veze sa faktorima koji su direktno vezani sa politikom i dešavanjima izazvanim istim. Pored ovoga naredni faktor koji je direktno povezan sa cijenom gasa je i kurs dolara za koji, morate priznati, teško se može napraviti projekcija za 2023./2024. godinu.

Ujedno, u toku je izgradnja LNG Terminala na Krku, planira se izgradnja IAP gasovoda (gas iz Azerbejdžana), INA raspisuje tendere za kupovinu prirodnog gasa, prirodni gas od Gazproma (cijena se formira na bazi cijena nafte i naftnih derivata), tako da je zaista teško odrediti nabavnu cijenu gasa za godine 2023./2024 na novom dobavnom pravcu snabdjevanja.

BH-Gas raduje interes za buduću cijenu prirodnog gasa, ali *primarni zadatak BH-Gasa je da omogući stabilno snabdjevanje prirodnim gasom Kantona Sarajevo, dostavu potrebnih količina prirodnog gasa (dramatično je velika potreba za gasom u ljetnim u odnosu na zimski period u KS), diversifikaciju izvora snabdjevanja (razni izvori i konkurencija u dobavi), a sve ovo se prvenstveno omogućava izgradnjom Južne interkonekcije.* Buduća niža cijena gasa, i to niža u odnosu na postojeću, je željeni cilj, ali to nije

primarni cilj jer postojeći transportni sistem je star, sistem koji je već u zimskim danima popunjen, sistem koji ne pruža mogućnost izbora prirodnog gasa osim ruskog gasa i stoga Južnu interkonekciju ne treba gledati kao projekat koji mora obezbijediti nižu cijenu gasa već kao projekat koji može obezbijediti sve ono što sada na tržištu prirodnog gasa u BiH nije prisutno. Trenutni koeficijent sigurnosti snabdjevanja BiH je 0, a izgradnjom Južne interkonekcije istim se obezbjeđuje koeficijent sigurnosti od 67% i ovo je primarni/nulti cilj. Fokus BH-Gas nije buduća cijena gasa, u izračunima iste ima mnogo nepoznatih, već početak eksploatacije gasovoda 2023./2024. godina, a studijama i CBA analizom je već izračunato podizanje faktora sigurnosti što je omogućilo finansiranje dosadašnjih faza projekta iz fondova EU i isto nije uticalo na konačnu cijenu prirodnog gasa u KS.

S poštovanjem,



Dostaviti:

- Naslovu
- a/a